

TIPS PER LA BREV D'ANNUNZIA

Tia brev d'annunzia è l'emprima impressiun che ti laschas enavos. Tia brev d'annunzia duai svegliar l'interess dal manaschi d'emprendissadi per tia persuna e t'avrir las portas per in discurs da preschentaziun. Tia annunzia duai correspunder a la piazza. Formulescha perquai per mintga manaschi d'emprendissadi in text individual (nagins texts da standard).

En la brev scrivas ti tia motivaziun per la professiun, tes connex cun il manaschi, e ti descrivas tias qualitäts persunalas. Fa atenziun, che la brev na saja betg pli lunga ch'ina pagina, ch'ella saja survesaivla e ch'ella na cuntegnia nagins sbagls ortografics. Formulescha en moda e maniera positiva, ma evitescha exageraziuns. Dovra tia atgna lingua persunala.

La brev d'annunzia vegn scritta oz normalmain al computer. A maun vegn ella scritta mo, sch'il manaschi d'emprendissadi pretenda quai explicitamain.

Frasas d'exempel

En l'**introducziun** da la brev scrivas ti, nua che ti es vegnida / vegnì a savair da la piazza d'emprendissadi.

- Grazia fitg per noss discurs al telefon dals (...).
- Jau ma referesch a Voss inserat en la Quotidiana dals (...), nua che Vus avais publictà ina piazza d'emprendissadi sco (...).
- Jau engraziel anc ina giada che jau hai dastgà far in fufragnadi sco (...) en Voss manaschi e m'annunziel il medem mument per la piazza d'emprendissadi che cumenza la stad (...).
- Sin www.berufsberatung.ch hai jau vis che Vus offris ina piazza d'emprendissadi sco (...).

La **part principala** cuntegna ils motivs per tia annunzia sco er tias abilitads e tes interess.

- Actualmain frequent jau la 2. classa da la scola reala a (...). Mes roms preferids en scola èn (...).
- Jau m'interess per (...).
- En mes temp liber (tematicas ...).
- Jau hai fufragnà en differentas professiuns. La professiun da (...) è adattada per mai, perquai che (...).
- (Activitads) ma fan spezialmain plaschair. Perquai sun jau fitg motivada / motivà d'emprender la professiun da (...).
- E perquai crai jau che questa professiun è segiramain adattada per mai.
- Durant il fufragnadi hai jau survegnì bleras infurmaziuns davart la professiun. Spezialmain bain m'ha plaschì (...).
- Er durant differentas visitas da firmas, a chaschun da discurs cun mes geniturs e cun la cussegliaadra da professiun / cun il cussegliaader da professiun hai jau constatà che questa professiun m'interessa zunt fitg.

L'**ultima part** è la fin da la brev.

- Jau ma legrel d'udir bainbaud da Vus.
- Jau spetg cun tensiun sin Vossa risposta e ma legrass d'in discurs persunal.
- Jau sper che Vus veglias emprender d'enconuscher mai persunalmain e che Vus m'envidias ad in discurs.
- Jau ma legrass da dastgar responder Vossas dumondas a chaschun d'in discurs persunal.
- Jau ma legrass da survegnir la chaschun da prender part ad in discurs da preschentaziun u da dastgar far in fufragnadi.

A la fin da la brev mettas ti tes num e tia suttascripziun sco er ina curta survista da las agiuntas che ti tramettas.

Indicaziuns formalas

- Adressa dal speditur (tia adressa, incl. numer da telefon ed adressa dad e-mail)
- Adressa (adressa dal retschavider)
- Lieu, data
- Object, grass («Annunzia per ina piazza d'emprendissadi sco professiun»)
- Bainvegni («Stimada dunna / Stimà signur num» u «Stimadas dunnas e stimads signurs»)

Dapli davart la structura da la brev d'annunzia vesas ti plinengiu en la brev d'exempel.

Agiuntas

Agiuntas èn p.ex. copias d'attestats, da tests da qualificaziun u da giudicaments dals fufragnadis. Qua anc in pèr tips:

- Na trametta mai ils documents originals. Trametta percenter ils documents sco PDF.
- Trametta las copias da tut ils attestats da scola dal stgalim superiur (tut ils semesters gia absolvids).
- T'infurmescha avant l'annunzia, sche e tge tests da qualificaziun che vegnan spetgads.
- Giudicaments dals fufragnadis (pass da fufragnadis): Feedbacks positivs pon auzar las schanzas da survegnir ina piazza d'emprendissadi. Ti pos trametter copias da quests giudicaments.

In muster d'ina brev ed ulteriurs tips chattas ti sut: www.berufsberatung.ch/lehrstellenbewerbung

Structura

I dat differentas furmas per brevs d'annunzia. Qua chattas ti ina:

prenum e num
via e numer da chasa
numer postal e lieu
numer da telefon
adresa dad e-mail

num dal manaschi
persuna: prenum e num
functiun
via e numer da chasa
numer postal e lieu

lieu, data actuala

Annunzia per ina piazza d'emprendissadi sco **profession**

Preziada **dunna num da la persuna**

introducziun:

- Nua has ti vis u danunder has ti udi da la piazza d'emprendissadi?
- Tge piazza d'emprendissadi ès i exactamain e per tge termin t'annunzias?

part principala:

- Daco elegias ti quai mastergn?
- Tge experientschas has ti gia fatg tar quai mastergn durant fufragnadis u occurrenzas d'infurmaziun?
- Daco t'interesseschas precis per quai manaschi?
- Tge fermezzas, abilitads ed interess has ti?
- Daco es ti la persuna adattada per questa piazza d'emprendissadi?

construcziun finala:

p.ex.: Jau ma preschentass gugent persunalmain tar Vus e m'allegrel sin Vossa resposta.

Cun ils megliers salids
prenum e num

(suttascripziun d'agen maun)

Curs da la vita cun fotografia
copias dals attestats dil stgalim aut.
copias da rapports da fufragnadis/giudicaments da fufragnadis

► Ulteriuras infurmaziuns

e sustegn survegns ti en il CIP. L'adresa dal CIP en tia vischinanza chattas ti sut:

furmaziunprofessionala.gr.ch → Sur da nus → Lieu ed adresa → Cussegliaziun da professiun, da studi e da carriera. E-mail: biz@afb.gr.ch